



Broj:

Velika Kladuša, 19.02.2026. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i člana 4. stav 1. Pravilnika o dodjeli stipendija („Službeni glasnik Općine Velika Kladuša“, broj: 2/26), Općinski načelnik Općine Velika Kladuša, dana 18.02. 2026. godine, raspisuje

**JAVNI KONKURS  
za dodjelu studentskih stipendija u akademskoj 2025/2026. godini**

**I – PRAVO UČEŠĆA**

Na Javni konkurs za dodjelu stipendija u akademskoj 2025/2026. godini može se prijaviti kandidat koji ispunjava uslove za sticanje stipendije iz Pravilnika o dodjeli stipendija („Službeni glasnik Općine Velika Kladuša“, broj: 2/26).

Svi kandidati koji učestvuju u postupku Javnog konkursa, bez obzira da li su već bili stipendisti Općine Velika Kladuša ili prvi put apliciraju za dodjelu stipendije, moraju ispunjavati uslove za sticanje stipendije.

**a) Uslovi za sticanje stipendije**

Pravo na učešće na Konkursu za dodjelu stipendija imaju studenti koji:

1. su državljani Bosne i Hercegovine;
2. imaju prebivalište na području općine Velika Kladuša u neprekidnom trajanju od najmanje pet godina, računajući od dana objave Konkursa za dodjelu stipendije. Izuzetno, pravo učešća imaju i studenti čije je prebivalište na području Općine Velika Kladuša kraće od pet godina ali počinje najkasnije od početka akademske godine za koju se dodjeljuje stipendija, pod uslovom da roditelj ili staratelj, odnosno supružnik studenta, ima prebivalište na području Općine Velika Kladuša u istom i dužem trajanju;
3. su PRVI put upisani, kao redovni studenti u određenu godinu studija, na jednoj od državnih visokoškolskih ustanova u Bosni i Hercegovini;
4. nemaju drugu stipendiju;
5. nemaju status apsolventa i
6. ispunjavaju i druge uslove iz Odluke o stipendiranju studenata u akademskoj godini za koju se vrši dodjela stipendija.

**II – PRAVO NA STIPENDIJU**

Pravo prijave na Javni konkurs za dodjelu stipendije za akademsku 2025/2026. godinu imaju studenti prvog i drugog ciklusa studija po Bolonjskom sistemu, kao i studenti prve do šeste godine po starom sistemu školovanja (ovisno od dužine trajanja studija).

**III – BROJ, VISINA I PERIOD ISPLATE STIPENDIJE**

Mjesečni iznos stipendije je 300,00 KM za studente deficitarnih zanimanja iz člana 2. Odluke o stipendiranju studenata u akademskoj 2025/2026. godini i 250,00 KM za sve ostale studente.

Stipendije se isplaćuju za 10 mjeseci, za period od oktobra 2025. do jula 2026. godine.

Općina Velika Kladuša je osigurala u Budžetu Općine za 2026. godinu iznos od 300.000,00 KM za isplatu stipendija.

**IV – DEFICITARNA ZANIMANJA**

Deficitarna zanimanja u smislu Odluke o stipendiranju studenata u akademskoj 2025/2026. godini su:

- doktor medicine;
- diplomirani veterinar ili doktor veterine;

- diplomirani inženjer, master ili bachelor geodezije;
- diplomirani inženjer, master ili bachelor informatike;
- diplomirani inženjer, master ili bachelor arhitekture;
- diplomirani inženjer, master ili bachelor građevine;
- diplomirani inženjer, master ili bachelor mašinstva;
- diplomirani inženjer, master ili bachelor elektrotehnike;
- profesor njemačkog jezika;
- profesor matematike;
- profesor fizike;
- profesor muzičke kulture;
- profesor likovne kulture.

#### V – ISPLATA STIPENDIJE

Isplata stipendije će se vršiti prema dinamici koja će biti utvrđena ugovorom o stipendiranju.

#### VI – POPIS DOKUMENATA

**Uz prijavu na konkurs svi kandidati dostavljaju:**

1. Uvjerenje da je prvi put u svojstvu redovnog studenta upisao određenu godinu studija u akademskoj godini za koju se raspisuje Konkurs za dodjelu stipendija i
2. Ovjerenu Izjavu da nije korisnik stipendije od drugog davaoca stipendije.

Dokaz o državljanstvu i dokaz o prebivalištu, za sve učesnike Konkursa, će pribaviti nadležna služba Jedinog općinskog organa uprave Općine Velika Kladuša, po službenoj dužnosti.

Izuzetno, u slučaju da kandidat ima prebivalište na području Općine Velika Kladuša kraće od 5 godina, kandidat je dužan dostaviti uvjerenje o prebivalištu roditelja ili staratelja, odnosno supružnika, kojim dokazuje ispunjene uslove u skladu sa članom 2. stav (1) tačka b) Pravilnika o dodjeli stipendija.

#### VII – ROK ZA PRIJAVU

Krajnji rok za podnošenje Prijave na Javni konkurs za dodjelu stipendije za akademsku 2025/2026. godinu je 15 dana od dana objave na internet stranici Općine Velika Kladuša i Oglasnoj ploči Općine Velika Kladuša.

#### VIII – NAČIN PRIJAVE

Prijavu na Konkurs za dodjelu stipendija u akademskoj 2025/2026. godini sa originalima ili ovjerenim kopijama dokumenta iz tačke V Javnog konkursa, kandidati predaju u šalter sali Općine Velika Kladuša, neposredno ili putem pošte na adresu: **Općina Velika Kladuša, Služba za upravu, društvenih djelatnosti i zajedničke poslove, sa naznakom „Prijava na konkurs za stipendiju“, Ul. Hamdije Pozderca br. 3, 77230 Velika Kladuša.**

#### Obrasci:

1. Prijava na konkurs (obrazac: Prijava br. 1),
2. Izjava da korisnik stipendije nema drugu stipendiju.

Navedeni obrasci se mogu preuzeti u Šalter–sali Općine ili/i na internet adresi [www.velikakladusa.gov.ba](http://www.velikakladusa.gov.ba).

Dodatne informacije kandidati mogu dobiti na telefon: **037-770-030 lokal 301** ili e-mailom [stipendije@velikakladusa.gov.ba](mailto:stipendije@velikakladusa.gov.ba).

#### IX –UTVRĐIVANJE RANG LISTE I OBJAVLJIVANJE REZULTATA KONKURSA

##### Preliminarna rang lista

Komisija za dodjelu stipendije Općine Velika Kladuša će na osnovu prispjelih prijava i raspoložive dokumentacije izvršiti provjeru uslova iz člana 2. Pravilnika o dodjeli stipendija i sačiniti Preliminarnu listu kandidata za dodjelu stipendija.

Preliminarna lista se objavljuje na službenoj internet stranici Općine i oglasnoj tabli Općine, te na internet stranici Radio televizije Velika Kladuša.

##### Konačna rang lista

Na Preliminarnu listu kandidati koji su učestvovali na Javnom konkursu za stipendiju mogu istaknuti svoje primjedbe Komisiji za dodjelu stipendija u roku od tri dana od dana objavljivanja liste.

Primjedbe na Preliminarnu listu se dostavljaju u pismenoj formi i predaju neposredno u Pisarnici Općine ili putem pošte na adresu: „Općina Velika Kladuša-Komisija za dodjelu stipendije, Ulica Hamdije Pozderca broj 3, 77230 Velika Kladuša“.

Nakon razmatranja primjedbi na Preliminarnu listu Komisija za dodjelu stipendija će utvrditi Konačnu listu kandidata za stipendiju i istu dostaviti Općinskom načelniku.

### **X – DONOŠENJE ODLUKE O DODJELI STIPENDIJA**

Na osnovu Konačne liste kandidata Općinski načelnik donosi Odluku o dodjeli stipendija, koja sadrži podatke o kandidatima koji su ostvarili pravo na stipendiju, kandidatima koji nisu ispunili uslove iz Javnog konkursa i kandidatima čije prijave nisu potpune i/ili blagovremene.

Odluka o dodjeli stipendije objavljuje se na službenoj internet stranici Općine Velika Kladuša, internet stranici Radio televizije Velika Kladuša i oglasnoj tabli Općine Velika Kladuša.

Na Odluku o dodjeli stipendije dopuštena je žalba koja se izjavljuje Komisiji za žalbe Općinskog vijeća Općine Velika Kladuša u roku od 15 (petnaest dana) od dana objavljivanja Odluke.

Odluka Komisije za žalbe je konačna.

### **XI – ZAKLJUČIVANJE UGOVORA**

Kandidatima kojima bude odobrena stipendija, bit će ponuđeno zaključivanje Ugovora o stipendiranju za akademsku 2025/2026. godinu. Prije zaključivanja ugovora kandidat mora imati otvoren tekući račun u banci.

### **XII – OBJAVLJIVANJE JAVNOG KONKURSA**

Javni konkurs će biti objavljen na Oglasnoj ploči i na službenim internet stranici Općine Velika Kladuša i na službenim internet stranici i u programu Radio televizije Velika Kladuša, te na portalu: stipendije.ba.

Obradio: Senad Šehić

Kontrola: Jasmin Šahinović, mag. pol.

